



# JNUNPAZT-L

JURNAL UNPAZ TIMOR-LESTE  
UNPAZ

Vol. 02, Issue, 12, pp.01-..... 2023



ORIGINAL ARTIKLU PESKIZA

HODI ASSESU

## DIREITU BA SIDADAUN NANIS NO SIDADAN HUSUN BAZEIA BA KONSTITUISAUN RDTL

Déncia Martins Cardoso,<sup>2</sup> Leonito Ribeiro,<sup>3</sup> Nunu Saldanha da Silva Fatima

<sup>1</sup>Lisensiada Direitu, Universidade da Paz, Timor Leste

<sup>2</sup>Dosente Faculdade Direitu, Universidade da Paz, Timor Leste

<sup>3</sup>Dosente Faculdade Direitu, Universidade da Paz, Timor Leste

INFORMASAUN ARTIKLU	ABSTRATU
	<p>Iha peskiza ida ne'e peskizadora indentifika mak hanesan Repúblika Demokrátika Timór-Leste Nia laran iha sidadania nanis no sidadania husun konserteja ita adopta ona dupla sidadania iha ita nia rai, se núne'e ita tenkiser uza ona prinsípiu rua mak hanesan tuir mai ne'e: prinsípiu ius soli no prinsípiu ius sanguinius. prinsípiu "IUS SANGUINIS" mak prinsípiu ida-ne'ebé bazeia ba prinsípiu relasaun ran nian. No IUS SOLI atu regula possibilidade ba sidadaun sira atu hetan estatutu sidadania liu husi prinsípiu naturalizasaun. Maibe ida-ne'e bele akontese iha Timor-Leste no jerasaun iha Timor-Leste ba sira-nia oan sira, wainhira ema ne'ebé preokupa la buka estatutu sidadania husi nasaun ne'ebé ema seluk mai, ema ne'e bele simu hanesan sidadaun Timor-Leste nian bainhira nia moris. No Sidadaun ne'ebé hela kleur iha Timor no kaben ho sidadaun timoroan sidadaun refere uanhira prenze rekeztus iha Ministeriu Justisa sira iha Direitu atu sai hanesan sidadaun timor oan. Maske ida-ne'e konsidera la tuir prinsípiu báziku sira ne'ebé adere ba. Sidadaun nasional Timor-Leste mak ema ne'ebé lei rekoñese hanesan sidadaun Timor-Leste. Ema ne'e sei hetan kartaun identidade no sei rejistu sivil iha Ministeriu Justisa diresaun servisu rezistu notariadu hodi hetan nasionalidade nu'udar sidadaun Timoroan.</p>
	<p>Iha peskiza kona-ba Topiku ne'e peskizadora indetifika formulaun problema iha oin rua mak hanesan: a) Tamba saida mak sidadaun husun mos iha direitu hanesan ho sidadaun nanis, b) Oinsa prosesu sidadaun estranjeiru atu hetan nasionalidade nudar Timor-Oan no fundamentu teoria ne'ebé peskizadora uza mak hanesan Teoria soberanu estadu, teoria kompetensia, konseitu estadu direitu, konseitu Direitus umanus, konseitu sidadania, konseitu kemanfatan hukum, Prinsípiu sidadania, prinsípiu law enforcement, prinsípiu preferensia</p> <p>Metodu ne'ebé mak peskizadora utiliza hodi responde ba problema ne'ebé mak iha topiku ne'e mak uza metodologia normativu liu husi utiliza tipos abordagem bazeia ba leis no abordagem bazeia ba analiza ho konsetualidade husi rezultadu ne'ebé parte peskiza mak hanesan Direitu ba sidadaun nanis no sidadaun husun bazeia ba konstituisaun RDTL la autoriza kualker sidadaun estranjeiru iha Direitu hanesan ho sidadaun nanis uanhira seidaun provas nasionalidade nu'udar Timoroan. No kapitulu II revizaun biblioteka, kapitulu III Direitu sidadaun nanis no sidadaun husun, kapitulu IV prosesu Sidadania no konluzaun</p> <p>Liafuan xave: "Sidadaun sira nia Direitu no Dever"</p>

## I. Introdusaun

Timór-Leste hamr'ik hanesan nasaun independente liu hosi kontribuisaun ema lubun bo'ot iha Timór laran, barak maka terus no barak maka mate ho sira hotu nia kontribuisaun durante tempu kolonial portugues no mós iha tempu invasaun Indonesia óhin lóron Timór-leste restaura indenpendensia iha 20 fulan maio tinan 2002 Timór-Leste hamri'ik independenti konserteza hetan ona rekoñese iha mundu internasional katak Timór-Leste hamri'ik mesak hanesan nasaun soberanú ida ne'ebé iha direitu ba rai, tasi, lalehan. No Ita nia konstitusaun Repúblika Demokrátika Timór-Leste mós adopta dupla sidadania mak hanesan sidadania nanis no husun iha direitu hodi hetan hanesan iha paíz ida ne'e bazeadu ba koridor konstituisaun Repúblika Demokrátika Timór-Leste iha artigu 3<sup>o</sup> nú 1), 2), Alinea a), b), c) no nú 3) kona-ba Sidadania ne'ebé mak define hanesan tuir mai ne'e:

1. Iha Repúblika Demokrátika Timór-Leste nia laran iha Sidadania nanis no sidadania husun.
2. Sidadaun nanis Timór-Leste nian maka ema ne'ebé moris nanis iha rai nasional laran:
  - a) Oan sira-ne'ebé aman ka inan moris iha Timór-Leste;
  - b) Oan sira-ne'ebé inan-aman laiha, nasionalidade eh rai moris fatin lahatene;
  - c) Oan sira-ne'ebé aman ka inan ema raiseluk, ne'ebé idade liu ona tinan sanúlu resin hitu, no sira rasik hili sai Timóroan;
3. Sidadaun nanis Timór-Leste nian mós sira-ne'ebé, biar moris iha rai-liur, sira nia aman ka inan, Timóroan.

Tuir Konstituisaun Repúblika Demokrátika Timór-Leste iha artigu 95<sup>o</sup> nú 2 alinea d) kona-ba kompetensia ba Parlamentu Nasional katak Parlamentu Nasional deit maka halo legislasaun kona ba sidadaun. Iha mos artigu 96 define katak parlamentu nasional mós fõ autorizasaun legislativu ba governu liu hosi notariadu sai nu'udar orgaun governú liu hosi Ministeriu Justisa direasaun nacional rejistu no notariadu sai nu'udar orgaun governú neebe responsavel atu halo registu hatu'ur kondisaun hodi fõ hetan lakon no hetan fila fali nasionalidade núudar Timóroan.

Maibé iha tempu hanesan, nasaun ida-idak labele husik nia ema ida iha Estatus rua. Tan ne'e presiza akordu sidadania nian entre nasaun modernu sira atu evita estatutu sidadania nian. Tanba ne'e, aleinde regula sidadania (naturalizasaun), presiza mós mekanizmu seluk ne'ebé simples liu, liu husi rejistu Ordináriu

Iha prosesu akordu estadu sira-ne'e, presiza armoniza prinsípiu sira ne'ebé kontra malu, hanesan prinsípiu "Ius soli" no prinsípiu "Ius sanguinis" Maibé, ita labele obriga aplikasaun prinsípiu ida ba nasaun ne'ebé adere ba prinsípiu oin-oin, atu nune'e iha armonizasaun iha regulamentasaun diferensa sira-ne'e, atu nune'e iha parte ida bele evita ba nasaun ne'e tanba sidadania, maibé iha parte seluk La iha ema ida-ne'ebé halo estatutu sidadania tuir nia hakarak, tanba ne'e, diferensa mak nasaun barak tenta atu implementa sistema mistura ida ho baze prinsipál hanesan prinsípiu báziku ne'ebé adopta iha sira-nia sistema legál ida-idak.

Timór-Leste Nia laran ita iha sidadania nanis no sidadania husun konserteja ita adopta ona dupla sidadaun iha ita nia rai, se nune'e ita tenkiser uza ona prinsípiu rua mak hanesan tuir mai ne'e: prinsípiu ius soli no prinsípiu ius sanguinius. prinsípiu "IUS SANGUINIS" mak prinsípiu ida-ne'ebé bazeia ba prinsípiu relasaun ran nian. No IUS SOLI atu regula possibilidade ba sidadaun sira atu hetan estatutu sidadania liu husi prinsípiu moris fatin, porezemplu, sidadaun barak husi jersaun Xina sei nafatin sidadaun Xina ka iha sidadania entre Timor-Leste no Xina. Maibe ida-ne'e bele akontese iha Timor-Leste no jersaun iha Timor-Leste ba sira-nia oan sira, wainhira ema ne'ebé preokupa la buka estatutu sidadania husi nasaun ne'ebé ema seluk mai, ema ne'e bele simu hanesan sidadaun Timor-Leste nian bainhira nia moris. Maske ida-ne'e konsidera la tuir prinsípiu báziku sira ne'ebé adere ba. Sidadaun nasional Timor-Leste mak ema ne'ebé lei rekoñese hanesan sidadaun Timor-Leste. Ema ne'e sei hetan kartaun identidade bazeia ba distritu ka iha ne'ebé nia rejistu ona nu'udar sidadaun Timor-Leste Ema ne'e sei hetan identidade rezidente nian, se nia tinan 17 no liu no rejista an iha eskritóriu rejistu sivíl ka Ministeriu Justisa ne'ebé estadu fó ba nia sidadaun sira nu'udar prova ba identidade ema nian, Rekizitu ida atu simu estatutu nasaun nian mak ezisténsia elementu sidadaun ida-ne'ebé regula tuir provizaun legál balun, Iha nasaun sira seluk, regulamentu atu rekoñese sidadania ne'e baibain determina bazeia ba prinsípiu rua, hanesan *prinsípiu ius soli ka ius sanguinis* ne'ebé signifika ius soli mak prinsípiu ida-ne'ebé bazeia ba komprensuaun legál kona-ba koñesimentu rai moris nian, enkuantu ius sanguinis bazeia ba prinsípiu relasaun raan nian Oan husi aman ka inan estranjeiru sira ne'ebé ho idade liu tinan 17 ne'ebé espresa sira-nia hakarak atu sai sidadaun Timor-Leste nian. Maske sira moris iha nasaun seluk, labarik husi aman ka inan Timor-oan sei konsidera nu'udar nia sidadania Timor-Leste

Timor-Leste hetan mós sidadania ba ema ida-ne'ebé inklui iha situaun sira tuirmai ne'e: Labarik ida-ne'ebé seidaun tinan 17 ka liu ka hela no hela fali iha territóriu Timor Leste nian ne'ebé ninia aman ka inan hetan sidadania Timor-Leste nian , Labarik indijena sira ne'ebé seidaun tinan 5 ne'ebé legalmente adopta tuir orden

tribunál nian nu'udar labarik Estadu Timor-Leste nian, aleinde hetan Estadu sidadania hanesan temi ona iha leten, bele mós hetan sidadania Timor-Leste liuhusi prosesu sidadania. Sidadaun Estranjeiru ida-ne'ebé kaben ona tuir lei ba sidadaun Timor-Leste tenke ser hela tinan 5 no sidadaun ida-ne'ebé hela iha territóriu Estadu Timor-Leste nian mais ou menus tinan 10 hatene koalía lian ofisial ida, hatene historia Timor no prene rekeztus iha Misteriu Justisa sidadaun refere iha direitu hetan nasionalidade nu'udar Timóroan. Bazeia ba artigu 3 alínea (2) iha leten, órgaun lejislativu iha kazu ne'e mak Parlamentu Nasionál hodi halo lei, hanesan lei nu. 9/2002 kona ba sidadania Timor Leste Nune'e mós Dekretu lei nú 1/2004 Regulamentu Nasionalidade ho lei ida-ne'e nia Funsauun atu regula sidadaun Timor-Leste jeralmente no sidadaun sira ne'ebé hakarak hetan fali sidadania Timor-Leste. Bazeia ba antesedente ne'ebé deskreve ona iha leten maka fundamenta hakerek nain hodi hili atu hakerek proposta monografia ne'e ho titulu "*Direitu sidadaun nanis no sidadaun husun bazeia ba konstituisaun RDTL*" Relasiona ho antesedente ne'ebé hakerek nain hakerek iha leten maka hakerek nain hamósu fórmulasaun problema iha 2

## II. REVIZAUN BIBLEOTEKA

### 2.1.3. Diferensia entre Nasionalidade ho Naturalizasaun

Diferensia entre Nasionalidade no Naturalizasaun diferensia entre Nasionalidade no Naturalizasaun Iha lisaun ne'e ita sei ko'alia kona-ba liafuan rua ne'e, tan ne'e ita sei esplika uitoan kona-ba liafuan ida-idak. Primeiru, mai ita hatene sira-nia conseitu no sira-nia diferensia. Nasionál mak relasaun legál entre ema ida ho estadu ida. Nasionalidade fó jurisdisaun estadu nian ba ema ne'e no fó protesauun ba ema ne'e husi estadu. Saida mak konstitui direitu no obrigasaun la hanesan hosi nasaun ida ba nasaun seluk. Nasionalidade tékniku no legalmente la hanesan ho sidadania, ne'ebé mak relasaun legál ne'ebé ketak entre ema ida ho nasaun ida. Nasaun foun sira bele inklui sidadaun no la'ós sidadaun sira. Sidadaun sira iha direitu atu partisipa iha vida polítika nasaun nian, inklui liuhusi votasaun ka pozisaun ba eleisaun. Maibé, iha nasaun modernu sira, sidadaun hotu-hotu mak sidadaun, no sidadaun tomak sempre sidadaun.

*Nasionalidade* signifika liga ema fíziku ka morál ba nasaun espesífiku ida. Tuirmai, sai parte integradu iha sosiedade ida. Iha ne'ebé ema iha direitu no devér lubuk ida nu'udar kontributivu ba ambiente ne'e. Nu'udar sidadaun nia kualidade. Liu tan, iha dalan rua atu hetan nasionalidade, porezemplu: Lei kona-ba raan(*ius sanguinius*): Tuir justisa, termu ne'e *Ius sanguinis*. Ida-ne'e sei hala'o bainhira imi iha inan, aman ka guarda legál ho nasionalidade Timor nian; no iha mós seluk Ida ne'e bolu nu'udar *Ius soli* iha tribunál, ne'ebé mak bainhira ema ida hetan nasionalidade liuhusi natureza, ho liafuan seluk, iha fatin ne'ebé sira moris ba;

*Naturalizasaun* mak prosesu ida-ne'ebé sidadaun ida husik nia estatutu iha nia nasaun, iha nia sosiedade no ikusmai ba nasaun seluk hodi husu sidadaun ida nia direitu iha sosiedade ida-ne'e. Tanba ne'e, natureza seluk ne'e mak permite nia atu iha uma-laran, direitu no devér sira hanesan sidadaun sira seluk iha territóriu ne'ebé hanesan

## III. KAPITULU III ESPLANASAUN PROBLEMA PRIMEIRO

### 3.1.2. Direitu sidadaun husun iha Estadu Timor-Leste

Nasaun soberanu ida ne'ebé moris hanesan pais ida hodi atu hare kona ba'a sidadaun ema Timor oan ne'ebé hametin a'an iha Nasaun Repúblika Demokrátika Timor-Leste ne'ebé iha nia lei rasik hodi regula sidadaun hotu-hotu ba'a sidadaun ema estrajeiro no sidadaun nanis ne'ebé haktuir Lei Nú 9/2002 kona-ba Lei da Nasionalidade ne'ebé hatur iha artigu 3 aline, a) no b) kona ba'a Modalidade

Nasionalidade nu'udár Timór-Oan bele;

- a) Orijinária
- b) Adquirida

Direitu ba sidadaun husun ne'ebé maka hetan ona nasionalidade nu'udar Timór-Oan ne'ebé preveê ona iha lei nasionalidade nú 9/2002 iha artigu 12 aline a) no b) hodi hetan nasionalidade liu hosi naturalizasaun mak hanesan;

- a) Tinan boot ona tuir lei timor nian hosi estadu ne'ebé nia mai.
- b) Hela metin no kleur ona iha Timor-Leste hale'u tinan 10 nia laran, molok 7 dezembru 1975 ka hahú hosi loran 20 maiu 2002.

Uanhira sidadaun hetan ona nasionalidade sidadaun refere iha direitu atu bele asesu ba justisa direitu ba edukasaun direitu ba saude direitu ba movimentasaun no direitu seluk tan ne'ebé mak estadu Timór-Leste garante ba sidadaun sira hotu tantu sidadaun nanis no mós sidadaun husun atu nune'e sidadaun sira bele sente benefisiu uanhira hetan nasionalidade nu'udar Timór-Oan, maibe uanhira sidadaun mai husi nasaun seluk mak

sirkula iha teritoriu timor-laran seidak prenze rekezitus iha ministeriu justisa atu hetan nasionalidade signifika sidadaun refere sei konsidera hanesan sidadaun estranjeiru

### **3.1.3. Dever ba Sidadaun Husun iha Estadu Timór-Leste**

Iha Estadu Repúblika Demokrátika Timór-Leste hanesan nasaun ne'ebé demokrasia signifika ema hotu-hotu iha direitu no dever atu moris no espessa Liberdade hodi hili nia sidadania iha nasaun ida nia laran, no iha Republika Demokratika Timor-Leste adopta dupla sidadania katak ema husi nasaun seluk mai iha teritoriu Timor-Leste bele mós hetan sidadania Timór-Oan uainhira sidadaun ne'ebé mak hetan nasionalidade nu'udar Timór-Oan automatikamente sidadaun refere tenke halo tuir dever ne'ebé iha, tenke kumpre regras ne'ebé hosi Ministeriu Justisa katak uainhira sai sidadaun Timór-Oan presiza prenze rekezitus sira ne'ebé mak preveê ona iha Lei Nú 9/2002 iha artigu lubun ida ne'ebé mak deskreve konaba mekanismu atu hetan nasionalidade sai hanesan Timór-Oan.

### **3.1.4. Direitu Atu Lakon nia Sidadania**

lakon nasionalidade liu husi ema nia hakaran rasik halakon nia nasionalidade Uainhira sidadaun sira ne'ebé ho hakarak rasik halakon sira nia nasionalidade nu'udar Timór-Oan sidadaun sira ne'e tenke iha sira nia nasionalidade rai seluk ona hafoin estadu Timór-Leste liu hosi Ministeriu Justisa hodi bele halakon sira nia nasionalidade Timór-Oan, no iha parte seluk estadu mós iha direitu atu halakon nia ema nia sidadania kuandu sidadaun ne'ebé mak halo ona servisu ho folin boot no importante ba nasaun seluk hanesan funsionariu, polisia no militar estadu Timór-Leste liu hosi embaisador ne'ebé estabele iha nasaun ne'ebé mak sidadaun Timór halo kontribuisaun ba, Embaisador iha kompetensia atu kontaktu mai iha Estadu Timór-Leste atu nune'e bele halakon sidadaun ne'e nia nasionalidade nu'udar Timór-Oan, sidadaun sira ne'ebé lakon ona nasionalidade Timór-Oan sira laiha ona direitu ho dever ba iha estadu Timór-Leste tamba konsidera sira hanesan sidadaun estranjeiru sira laiha ona relasaun juridika ho estadu Timór-Leste

### **3.1.5. Direitu Atu Hetan Fila Fali ema nia Sidadania**

Sidadaun sira ne'e mak sei kiik inan aman halakon sira nia nasionalidade nu'udar Timóroa uainhira sira boot ona sira husu atu hetan fila fali nasionalidade nu'udar Timór-Oan sira tenke hela iha Timór haleu tinan ida hafoin sira bele hetan sira nia nasionalidade Timór-Oan. No sidadaun sira ne'ebé ho hakarak rasik lakon sira nia nasionalidade Timór-Oan no sidadaun sira ne'ebé mak servisu ho folin boot no kontribui ba nasaun seluk uainhira sira atu hetan fila fali sira nia nasionalidade Timór-Oan sira tnke mai aprejenta an iha Ministru Justisa hafoin Ministru Justisa hodi bele disidi nasionalidade nu'udar Timór-Oan ba sidadaun sira ne no sidadaun sira tenke hatudu prova katak sira hela iha Timór-Leste haleu tinan lima (5). Bainingira sira hetan fila fali nasionalidade nu'udar Timór-Oan konserteza sira existe fali ona direitu no dever iha estadu Timór-Leste tamba iha fila fali relasaun juridika sidadaun sira ne'e ho estadu Timór-Leste.

### **3.1.6. Direitu no Dever Sidadaun Estanjeiru iha Timór-Leste**

Intermus juridiku, Timor-Leste opta Sistema estadu de direitu signifika katak estadu iha obrigasaun konstituisional garante valor dignu ba sidadaun estranjeiru maske konsiderasaun laos hanesan sidadaun timor nune'e tratamentu leis valoriza tuir prinsipiu ne'ebé mak opta husi estadu Timor-Leste, iha ne'ebé estadu Timor-Leste mós valorija nafatin direitu sidadaun estranjeiru ne'ebé mak atribui luta ba independensia estadu Timor-Leste hanesan konsagra iha konstituisaun RDTL artigu 10 kolia kona ba'a solidariedade iha alinea (2) apoio solidariedade Repúblika Demokrátika Timor-Leste fó azilu politiku, tuir lei haruka, ba ema rai seluk sira ne'ebé persigidu tamba sira nia luta ba libertasaun nasional no sosiál, defeza ba Direitus Umanus, Demokrasia no dame.

Relativamente ho Konseitu estadu direitu ne'ebé mak subliña iha leten iha obrigasaun tuir leis ba sidadaun estranjeiru ne'ebé ne'ebé mak domisiliar provizoriamente iha nasaun Timor-Leste iha obrigasaun fo ondra ba normas juridiku ne'ebé mak vigora no lao hela, haktuir prinsipiu legalidade ne'ebé mak implementa ona. Perante ho kondisaun hirak ne'e dever sidadaun estranjeiru wainhira atu hetan sidadaun nasional tenki kumpri regulamentu ne'ebé mak estabelese ho nune'e politika governu atravesa husi polisia imigrasaun hodi hala'o kna'ar hanesan kontrola dokumentus sidadaun estranjeiru tenki lao tuir kuridor lei Nú.11/2017 haktuir artigu 4 kona-ba Dokumentus ne'ebé mak iha intermus de normative bandu sidadaun estranjeiru labele hala'o aktividade ne'ebé mak hetan bandu baseadu ba dokumentus ne'ebé mak sidadania refere priense hanesan vistu trabalho, vistu turista, vistu diplomata, dokumentus hirak ne'e hanesan kontribuisaun sidadaun estranjeiru hodi labele kontra Sistema administrative ne'ebé mak governu Timor-Leste implementa.

Iha parte seluk relasaun administrativa papel notariado importante tebes hare husi legalidade bainhira atribui legal advice no hala'o verifikasaun ba dokumentus husi sidadaun estranjeiru ne'ebé mak entrada mai iha Timor-Leste, notariado mós kria koperasaun servisu ho polisia imigrasaun hodi kombatada sidadaun estranjeiru ne'ebé ilegalmente domisilio iha país RDTL.

#### **IV. KAPITULU IV ESPLANASAUN PROBLEMA SEGUNDU**

##### **4.1. Mekanizmu Sidadaun Estranjeiru sira ne'ebé nia oan moris iha Timór-Leste**

Geralmente Estado Timor-Leste iha relasaun diak ho nasaun vizinhu sira no fasil ba sidadaun estranjeiru atu vizita nasaun Timor-Leste no la taka dalan mós ba sidadaun Timór-Oan sira ne'ebé hakarak vizita nasaun seluk. Uainhira sidadaun estranjeiru mai iha nasaun Timor-Leste halao sira nia aktividade sása deit mak uainhira sira nia oan moris iha rai ida ne'e oinsa Prosesu atu hetan nasionalidade ba sidadaun estranjeiru nia oan ne'ebé moris iha Timór tuir ita nia Konstituisaun Republika Demokratika Timór-Leste (KRDTL) iha artigu 3 nú 1) Alinea c) koalio kona-ba Sidadania, mak hanesan: c) Oan sira ne'ebé aman ka inan ema rai seluk, ne'ebé idade liu ona tinan sanulu resin hitu, no sira rasik hili sai Timór-Oan.

Kuandu ema estranjeiru maske sira laos nasionalidade Timór-Oan uainhira sira nia oan moris iha Timór-Leste, estado Timór-Leste iha obrigatoriu atu fasilita sira nia oan liu hosi sertidaun nasimentu no passaporte ne'ebé halao viajen ba iha nia inan aman nia nasaun maibe passaporte ne'ebé estado fasilita so viajem dala ida deit, Estado Timór-Leste iha responsabilidade atu bele fasilita ba sidadaun sira ne'ebé laiha Embaisador iha Timór-Leste maibe sidadaun estranjeiru sira ne'ebé sira nia embaisador iha Timór-Leste estado laiha responsabilidade so embaisador sira ne'e mak iha responsabilidade ba sira nia sidadaun atu fasilita hodi fila fali ba sira nia nasaun maibe kuandu sidadaun ne'ebé moris iha Timór-Leste ne'ebé sei kiik inan aman lori fila no hakotu sira nia sidadania Timór-Oan bainhira sira idade boot sira iha direitu atu bele husu fila fali atu sai sidadaun Timór-Oan maibe idade tenke sanulu resin hitu ba leten maka sira bele husu fila fali nasionalidade Timór, antes sira atu husu sira nia nasionalidade nu'udar Timór-Oan sira tenke hela iha Timór tinan ida depois maka sira bele husu sira nia nasionalidade Timór-Oan uainhira sira hetan ona nasionalidade nu'udar Timór-Oan ita konsidera sira ne'e mós sai hanesan sidadaun nanis ka sidadaun orijen tamba sira moris iha rai nasional Timór-Leste no mós hare hosi prinsipiu ius soli.

##### **4.1.2. Atribuisaun ba Sidadaun Timór-Oan ne'ebé oan moris iha Estranjeiru**

Timor-Leste mós kria relasaun diak ho nasaun sira seluk no halo mós bilateral entre nasaun Timor-Leste ho nasaun seluk, tamba ne'e sidadaun Timór-Oan barak mak halao estudo no servisu iha ema nia rai, ate sidadaun Timór-Oan barak mak hetan sidadania estrangeiru ne'e kategoria ona ba dupla sidadania maibe sidadaun Timór-Oan la perde sira nia nasionalidade ho estado Timor-Leste nafatin konsidera sidadaun Timór-Oan. Uainhira sira servisu iha ema nia rai mak oan moris iha nasaun ne'ebé mak sira servisu ba too idade sanulu resin hitu mak oan nee hakarak deside hetan nasionalidade Timór-Oan tenke ser kumpre lei sira ne-ebé estabesele iha Regulamentu nasionalidade iha Dekretu lei nú 1/2004 artigu 6 nú 1) kona-ba deklarasaun nasionalidade mak hanesan :

- 1) Oan hosi inan ka aman ema Timór-Oan, ne'ebé moris iha rai-liur ne'ebé hakarak hetan nasionalidade timorense, tenke inscreve nasimentu registu sivil timór nian, liu hosi deklarasaun ne'ebé na'in rasik mak aprejenta, bainhira ema-kapaz, ka hosi reprejente legal, bainhira nu'udar ema inkapaz. Deklarasaun ka pedidu inkrisaun tenke instrui ho prova nasionalidade timorense hosi projenitor ida.

Sidadaun Timór-Oan sira ne'ebé nia oan moris iha rai seluk atu hetan nasionalidade Timór-Oan presija aprejenta ba iha Ministeriu Justisa kona-ba deklarasaun hosi konservatoriu hosi nasaun ne'ebé maka sidadaun ne'e moris ba no mós aprejenta sidadaun ne'e nia inan ka aman nia dokumentu hanesan Sertidaun Nasimentu no seluk tan atu nune'e Ministeriu justisa liu hosi Diresaun Geral Servisu Rejistu Notariadu bele legaliza sidadaun refere nia nasionalidade nu'udar Timór-Oan no sai hanesan sidadaun nanis ka sidadaun orijen ne'ebé deskreve ona iha ita nia konstituisaun Republika Demoktátika Timor-Leste iha artigu 3 nú 3) kona-ba sidadania mak hanesan Sidadaun nanis Timór-Leste nian mak oan biar moris iha rai liur maibe nia inan ka aman ema Timór-Oan hodi bele hetan direitu no dever hanesan sidadaun Timór-Oan.

##### **4.1.4. Prosesu atribuisaun ba sidadaun Estranjeiru liu hosi dalan por kazamentu, por naturalizasaun no kontribuisaun haktuir lei nú 9/2002**

Nasaun Republika Demokratika Timor-Leste eziste sidadaun hosi nasaun oioin mak sirkula ka halao movimentu iha teritoriu nasional nia laran no iha sidadaun estranjeiru barak mak hakarak sai Timór-Oan uainhira sai Timór-Oan presiza halo tuir regulamentu lei nú 9/2002 lei nasionalidade ne-ebé mak entrada em vigor iha estado Timor-Leste. Prosesu sidadaun estranjeiru atu hetan nasionalidade Timóroan haktuir Lei ba Nasionalidade



hateten katak sidadaun sira ne'ebé atu hetan nasionalidade nu'udar Timór-Oan liu hosi parte tolu (3) mak hanesan *kazamentu, naturalizasaun, kontribuisaun*.

Sidadaun estrangeiru ne'ebé lokaliza iha teritoriu nasional Timor-leste ne'ebé hetan nasionalidade liu hosi dalan kazamentu no naturalizasaun. Em prinsipiu sidadaun estrangeiru ne'ebé sai hanesan Timór-Oan barak liu mak liu hosi dalan kazamentu signifika sidadaun estrangeiru mane mak hamutuk atus hitu haat (704) sidadaun mak kazal ho sidadaun feto original/nanis no sidadaun estrangeiru feto hamutuk atus tolu haat (304) sidadaun mak kazal ho sidadaun mane origen/nanis iha Timor-Leste. No bazea ba dados sira ne'e los duni katak sidadaun estrangeiru hamutuk 1008 mil pesoas ne'ebé mai liu hosi dalan kazal mak prenze rekeztus iha Ministeriu Justisa haktuir lei nú 9/2002 iha *artigu 11 hetan nasionalidade liu hosi kazamentu*, tamba ne'e mak Ministeriu Justisa liu hosi Diresaun servisu registu noratiadu hodi hasai sidadaun refere sira nia legalidade nu'udar Timór-Oan maibe laos sidadaun nanis maibe hanesan sidadaun husun uanhira sidadaun sira provas ona hanesan sidadaun husun maka sidadaun refere iha direitu ho dever hanesan ho sidadaun original iha nasaun Repúblika Demokrátika Timor-Leste, liu mós husi dalan naturalizasaun mós sidadaun estrangeiru mai sirkula iha teritoriu nasional Timor-Leste hanesan hela kleur ka moris fatin iha Timor-Leste ne'ebé deskreve ona lei nú 9/2002 artigu 12 nú 1 alinea a),b) kona-ba hetan nasionalidade liu hosi naturalizasaun mak hanesan oan sira ne'ebé moris iha teritoriu nasional Timor-Leste biar nia inan aman ema estrangeiru maibe too idade sanulu resin hitu nia iha direitu atu hili nia sidadania no Alinea b) *sidadaun estrangeiru ne'ebé hela iha timor antes tinan 1975 ou depois 2002 hela permanente tinan 10 lakotu sidadaun refere iha direitu atu hetan nia nasionalidade nu'udar Timór-Oan*. sidadaun estrangeiru ne'ebé iha timor-leste hamutuk sanulu resin ualu 18 mak prenze ona rekeztus iha Ministeriu Justisa hodi legaliza sira nia nasionalidade nu'udar Timór-Oan. No splikasaun mos iaha artigu 13 *konaba Hetan Naturalizasaun Tanba Halo servisu ho folin boot no Importante mak hanesan parlamentu nasional bele fô nasionalidade nu'udar Timór-Oan ba sidadaun estrangeiru ne'ebé halo servisu ho folin bo'ot no importánsia ba Paíz*. hetan naturalizasaun liu hosi kontribuisaun mak sidadaun estrangeiru ne'ebé servisu relevante ba iha estadu no orgaun parlamentu nasional iha plenaria no halo rezolusaun ba Ministeriu Justisa no Ministru Justisa halo karta pedido ba iha Diresaun servisu registu notariadu hodi sertifika sidadaun refere nu'udar Timór-Oan. Sidadaun estanjeiru ne'ebé mak fo ona kontribuisaun ba estadu Timór-Leste hamutuk *na'in 33 ne'ebé husi parlamentu nasional rasik fo autorizasaun ba sidadaun refere sira hodi hetan legalidade nu'udar Timór-Oan*.

#### **4.1.5. Mekanismu aprovasaun sidadania estrangejiru ligadu ba prinsipiu juridiku.**

Varias regras (berbagai peraturan) aplikasaun no regulamentu operasaun refere prinsipiu universal ne'eé utilija hodi kontra nasionalidade sidadania to'o agora mak aplikasaun prinsipiu ius soli mak prinsipiu ida hodi refléta an ne'ebé mak definitivu tuir termus juridiku kona-ba rai moris fatin, no prinsipiu ius sanguinis mak prinsipiu ne'ebé mak profunda ba relasaun ran.

Maske ho kondisaun hirak ne'e publikamente prosesu nasionalidade hetan liu hosi metodu tolu mak hanesan:

1. Nasionalidade tamba moris ka" *citizenship by birth*"
2. Nasionalidade liu hosi naturalizasaun ou *citizenship by naturalization*"
3. Nasionalidade liu hosi registrasaun normal ka" *citizenship by registration*"

Metodu tolu refere bele tetu hamutuk hodi regula kona-ba nasionalidade ida ne'e iha Sistema regula iha lei iha nasaun Republika Demokrátika Timór-Leste, nune'e bele admiti definisaun kona-ba metodu atu hetan identidade nasionalidade ne'e ho metodo primeiro no segundu deit ne'ebé mak iha benefisiu durante ne'e.

Iha ne'e mós peskizadora hkarak esplika klaru kona-ba metodu sira ne'ebé atu hetan nasionalidade Timór-Oan

1. Nasionalidade tamba moris ka" *citizenship by birth*" mak hanesan sidadaun ne'ebé hanaran adquirida ne'ebé hare'e liu hosi ius soli sidadaun sira ne'ebé mak moris iha nasaun Timór-Leste no liu idade sanulu resin hitu haharak sai Timór-Oan hanesan preveê iha lei nú 9/2002 artigu 12 iha linha a) mak hanesan
  - a) Tinan bo'ot ona tuir Timor nian no lei hosi estadu ne'ebé nia mai.
2. Nasionalidade hare hosi Naturalizasaun ou *citizenship by naturalization*" mak hanesan sidadaun sira ne'ebé mai hosi nasaun seluk mai hela iha Timór-Leste ho Tempu durasaun kleur hanesan preveê ona iha lei nasionalidade artigu 12 linha b) descreve hetan nasionalidade liu hosi naturalizasaun mak hanesan tuir mai ne'e
  - b) hela metin no kleur iha Timór-Leste hale'u tinan 10 nia laran molok 7 dezembru 1975 ka hahú hosi laron-20 maiom 2002.

3. Nasionalidade liu hosi Naturalizasaun istimewa” *citizenship by naturalization special registration* Naturallizasaun cidadania nebe fo ho gratuito ba sidadaun estranjeiru nebe servisu mérito (*berjasa*) ba nasaun Timor-Leste. la presiza hato rekeztus oin oin hanesan naturalizasaun bainbain, naturalizasaun especial ne fo husi prezidenti ho akordu husi parlamentu nasoinal. No haktuir mos lei parlamentu nasional No 9/2002 Nasionalidade, artigo 13 kolia kona ba Hetan naturalizasaun tanba halo servisu ho folin boot noimportante.Parlamentu Nasionál bele fó nasionalidade nu’udar Timór-Oan ba sidadaun estranjeiru ne’ebé halo servisu ho folin boot no importánsia ba país.

## **KAPITULU V**

### **KONKLUZAUN**

#### **5.1. FORMULASAUN PRIMEIRU**

1.Uainhira sidadaun estranjeiru ne’ebé ho hakarak rasik hetan nia direitu ho dever iha territoriu Timór laran prejisa prenze rekeztu sira iha Ministeriu Justisa liu hosi diresaun geral servisu rejistu notariadu. Uainhira sidadaun sira ne’e hetan ona nasionalidade nu’udar Timóroán sira tenke kumpre lei ne’ebé mak estadu Timór-Leste estabelese ona no sidadaun sira ne’e tenke iha responsabilidade ba aktu ne’ebé mak sira komete.

#### **5.2. FORMULASAUN SEGUNDU**

2.Lei nasionalidade mós la limita ba sidadaun nanis sira ne’ebé maka ho hakarak rasik atu lakon sira nia nasionalidade nu’udar Timór-Oan no hetan fila fali nasionalidade nu’udar Timór-Oan maibe presija kumpre lei ne’ebé mak estabele uainhira sidadaun nanis atu hetan fila fali sira nia nasionalidade Timór-Oan.

## Referénsia ne'ebé uza iha peskiza mak hanesan

### I LITERATURA

- Albert Venn Dicey dalam Tesis: Querubin Jong Ferreira ,2019 UNPAZ Biblioteka.
- Firdaus Arifin, Hak Asasi Manusia: Teori Perkembangan dan Pengaturan, Yogyakarta: Penerbit Thafa Media, 2019.
- G.J.Wolhoff, pengantar ilmu Hukum Tata Negara/ Jimly Asshiddiqie-ed. 1cet,- Depok:Rajawali pers,2019.
- Idawan Intisari ilmu hukum Indonesia 2013
- Ilmu Negara/ oleh Prof. H. Abu Daud Busroh.1, cet.12- Jakarta: Bumi Askara ,2006.
- Jimly Asshiddiqie, 1998, Agenda Pembangunan Hukum Nasional Di Abad Globalisasi, Balai Pustaka, Jakarta,
- Jimly Asshiddiqie, 2007, Pokok-Pokok Hukum Tata Negara Indonesia Pasca Refórmasi, Jakarta, Buana Ilmu.
- Peter Mahmud Marzuki, penelitian hukum, Jakarta; kencana perdana media group, thn. 2016.
- Philipus M. Hadjon, 1987, Perlindungan Hukum bagi Rakyat di Indonesia, Surabaya: Bina Ilmu.
- Philipus M. Hadjon, 2005, pengantar Hukum Administrasi Indonesia, Gadjah Mada University press, Yogyakarta.
- Soepomo, Ilmu Negara, Surabaya: Usaha Nasional.1993.
- SoerjonoSoekanto, 2007, PengantarPenelitianHukum, Universitas Indonesia,
- Sunarto,1990, metode penelitian deskriptif, Surabaya: Usaha Nasional,
- Wabha Al-Zuhaily dalam jajuni, Legislasi Hukum Islam di Indonesia, Bandung Citra Aditya Bakti,2005,
- Yohanes Usfunan, 2015, Hukum, HAM dan Pemerintahan, Udayana Universitas Press,

### II. LEIS SIRA:

- Konstituisaun RDTL
- Lei No 9/2002 Lei Nasionalidade
- Dekretu Lei no 1/2004 Regulamentu Ba Nasionalidade
- Lei nú 11/2017 Imigrasaun e Asilo

### III. INTERNET:

- <http://adulkuliahpmh9.Blogspot.Com/teori-kewenangan-dan-sumber-sumber.html>.
- <http://www.pojokwacana.com/filsafat-plato-tentang-idea-etika-dan-negara>
- <https://www.utilitarianisme-dan-tujuan-perkembangan-hukum-multimedia-di-indonesia/Teori-utilitarianisme-yang-untuk-mencapai-persamaan>
- <https://kumparan.com/farhan-ghalib/memaknai-asas-preferensi-hukum-dalam-uupa-terhadap-konflik-norma-hukum>.
- <https://www.bantuanhukum-sbm.com/artikel-pandangan-thomas-hobbes-tentang-hukum>.
- <https://www.hukumonline.com/klinik/a/hak-asasi-manusia-pengertian-sejarah-dan-prinsipnya> HAM adalah hak yang baka dan citacitanya.
- <https://www.studinews.co.id/12-pengertian-kewarganegaraan>koswawsik
- <https://www.studinews.co.id/-pengertian-kewarganegaraan> Wolhoff.
- [https://id.wikipedia.org/hikam\\_wiki\\_tentang/Kewarganegaraan#:~:text=Kewarganegaraan](https://id.wikipedia.org/hikam_wiki_tentang/Kewarganegaraan#:~:text=Kewarganegaraan)
- <https://www.tirarne.com.br/artigos/diferenca-entre-nacionalidade-e-naturalizacao>
- <https://mj.gov.tl/?q=node/> =Direitu Dever sidadaun sira
- <https://www.gramedia.com/literasi/warganegara/Warga> negara asli atau pribu mimerupakan, telah berlaku mengenai warga negara Indonesia.



## **Livru**

Albert Venn Dicey dalam Tesis: Querubin Jong Ferreira ,2019 UNPAZ Biblioteka.

Firdaus Arifin, Hak Asasi Manusia: Teori Perkembangan dan Pengaturan, Yogyakarta: Penerbit Thafa Media, 2019.

Peter Mahmud Marzuki, penelitian hukum, Jakarta; kencana perdana media group, thn. 2016

SoerjonoSoekanto, 2007, PengantarPenelitianHukum, Universitas Indonesia,

Yohanes Usfunan, 2015, Hukum, HAM dan Pemerintahan, Udayana Universitas Press,

## **Leis**

Konstitusi RDTL

Lei nú 9/2002 Nasionalidade

Dekreto lei nú 1/2004 Regulamentu Nasionalidade

Lei nú 11/2017 Imigrasaun e Asilo

Dados Distribuisaun ba Sidadaun Estranjeiru hosi tinan 2007 ate 2021

## **Internet**

<https://www.hukumonline.com/klinik/a/hak-asasi-manusia-pengertian-sejarah-dan-prinsipnya> HAM adalah hak yang, baka dan citacitanya.

[https://id.wikipedia.org/hikam\\_wiki\\_tentang/Kewarganegaraan#:~:text=Kewarganegaraan](https://id.wikipedia.org/hikam_wiki_tentang/Kewarganegaraan#:~:text=Kewarganegaraan)

<https://www.tirarrne.com.br/artigos/diferenca-entre-nacionalidade-e-naturalizacao>

<https://mj.gov.tl/?q=node/> =Direitu Dever sidadaun sira

<https://www.gramedia.com/literasi/warganegara/Warga> negara asli atau pribu mimerupakan, telah berlaku mengenai warga negara Indonesia.